



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Primus status mysticus est meditationis. Decisio Qvarta.

**urn:nbn:de:hbz:466:1-9766**

modi aspirationum facilem exspiracionem, interruptionemque, graue sit, & laboriosum nimis, momentaneis penè interfallis, ei de nouo coniungi, quem cofistanti intuitu, & fotti amore, magis luberet constringere. hinc fit, ut ex aspirationis volubilitate, amor diuinus interiora amplius perfundens, contemplationis, & firmi intuitus, dilectionisq; statum producat.

Contemplatio igitur diuinam bonitatem, mystico communicans, firmo intuitu stabilique amore, dupli quoque differentia, statum contemplationis distribuit. Primo quidem contemplatione affirmativa, siue amorosa, in eos qui sortiti sunt animam bonam, Deique docibiles ingenuitate, modestiaque naturæ, Deo Opt. Max. omnia tribuentes, amorosa fruitione sua peragunt. Secundo vero contemplatione negativa, siue transcendentia, in eos, qui in se ipsos rigidiiores, forti animo quaerunt extrema, internaque tanquam lumine à primo, & Ente, & Bono deficiente, transcendunt, insatiabilem constantis amoris præstantiam supra ea, quæ sunt, & quæ non sunt, infatigabili conatu prosequentes.

Et hi omnes cum Elia ab Angelo Domini, gratiaque diuina à seculi periculis excitati, in initio conuersationis, per aliquot temporis spatiū, panem arctum, & aquam breuem cum fetu misscentes, mortem spiritualem fugiunt, dein laboriosum montem a Dei Horeb in sacra meditationis exercitijs, descendunt; Vbi zelo zelantes Diuinam agnitionem, & bene afficiētem bonitatem, in ea quoque per aspirationis statum scintillant, & exardescunt, postmodum gratissima voce Domini, quæ dicit egredere, & sta in monte coram Domino, eleuati, in contemplationis spatia se se diffundentes; cum eo tamen ut ijs, qui ad ulteriores status non pertingunt, nec diuina commotione, colloquio, & aspectu supernaturali modi dignantur, Dominus transeat, ac in his statibus duntaxat, qui in hac prima parte tractantur, brauium certaminis sui consequantur, iuxta mensuram donationis Christi, distribuentis cuilibet sicut vult. Et hisce quidem breuiter, & in communi præmissis, consequenter fuisus de singulis statibus, tota hac prima parte tractatis, dicendum erit.

a 3. Reg. 19.

## PRIMVS STATVS MYSTICVS EST MEDITATIONIS.

### DECISIO QVARTA.

**C**Vm[ notitia, quæ communiter a deo habetur, sit imperfetta,] & ea quæ status prælibaminum habet, indirecte ad

C 3

con-

a 8. Thom. l. 3. Ant. Gent. c. 38.

contemplatiuorum exercitationem, referantur; in posterum de statibus directè mysticis, modi duntaxat operandi naturaliter in specie, & pro ut veram Dei vocationem, totam hominis vitam, & animum infractum expetunt, dicendum est. Et Primo quidem

*Quid sit Meditatio.*

- II. *An a meditatione incipiat vita mystica.*
- III. *Meditationem Passionis Domini præ ceteris esse utilissimam.*
- IV. *Meditatio tres habet partes substanciales, videlicet, præparationem, meditationem, & actionem.*
- V. *Meditatio tribus potissimum peragitur modis.*
- VI. *Quod in Meditatione circumstantiae necessariò sint considerandæ.*
- VII. *Quod maxima circumstantiarum sit meditatio Divinitatis, quæ subinde transit in contemplationis actum.*
- VIII. *Presentiam Dei foveri aspirationibus, & alijs pijs exercitijs.*
- IX. *Synopsis status meditationis.*
- X. *De spirituali profectu, duratione, & transitu, à meditationis ad aspirationis statum.*

ARTICVLVS PRIMVS.

*Quid sit Meditatio.*

**V**aria est apud Mysticos Meditationis a descriptio; nobis est meditatio attenta consideratio vnius ex altero, in ordine ad excitandum pium affectum. ex hoc ergo, quod meditatio sit consideratio, excluditur cogitatio, quæ volubiliter intellectui quodcunq; obiectum repræsentat, absque firma perscrutacione illius, quod obijciebatur; quod autem sit vnius ex altero, dicitur propter discursum, & inuestigationem diuersorum, [passio enim amoris hoc haberet, quod non subito b. exortatur, sed per aliquam assiduam inspectionem rei amatæ.] & quidem hoc lo-

co, quæ de Deo cognoscuntur, non simplici intelligentia; sed admixta sensuali crassa, & imaginaria apprehensione, intelliguntur: Ex eo autem quod dicit ordinem ad excitandum pium affectum, reiçitur speculatio, quæ quidem firmo contitu rem aliquam considerat, & perscrutatur; attamen absque necessaria dependentia ad amoris diuini, aut virtutis exercendæ perfectiōnem, nuda oblectatione spirituali, quæ à speculacione exoritur, contenta. Et hoc modo Ethnicorum nonnulli Philosophi, ac plures Hæretici de diuinis quædam cognouerunt, posterisque trididerunt, non ut inde meritum, aut uitilitatem c. vitæ contemplatiuæ consequerentur, sed ut natura spiritualis, secun-

<sup>a</sup> Aug de spir. & an. l.1.c.32. Bern de Scal. Cla. Richard. l.1. de Cont. c.4 Hugo de S. Við. l. de med. S. Bonav. & Iteñ. ater. d.2 & recentiores omnes. b S. Tho. 22. q. 27. a. 2. c 2. p. dec. 1. a. 16.

secundum modum sibi proportionatum, in speculatione primi Entis, suam perfectionem consequetur. At nos de tali consideratione loquimur, quæ ideo sollicitè, & attente Deum, Diuinaque scrutatur, ut eundem ardenter diligat, iuxta Psalm. dicentem, concaluit a cor meum intra me, & in moderatione mea exardescit ignis, scilicet amoris, quo amplius diligam, in tantum, ut quoties ex meditatione non subsequitur alius affectus siue sensitivus, siue volitus, id est, secundum voluntatis desiderium mouens, totius etiam ut in fructuosa speculatio, censeri debeat eiusmodi meditatio. Et quia inter Mysticos variat opinio, de orationis mentalis initio, consequenter dicemus,

*An à meditatione incipiat Vita  
Mystica.*

#### ARTICVLVS SECUNDVS.

**N**onnulli, eo quod ante statum, aut vocationem vitæ mysticæ, quosdam singulari probitate conspicuos, meditationis Summam etiam quasi inaduententer absoluisse, aut quod in benedictionibus dulcedinis à Domino præuentos, morosa, vel imaginaria meditatione opus non habere; vel quod singulares diuinos modos in quibusdam sanctioris vitæ ignorantem, opinati sunt vitam mysticam non tam à meditatione, quam ab aspiratione, aut etiam, quæ indè facile sequitur, amoro-sa contemplatione Diuinitatis princi-

pium sumere; quod licet in similibus locum habeat; attamen re ordinario cursu spectata, meditatio ad tollendam intellectus, & voluntatis in diuinis, & rebus rectè agendis ineptitudinem, exordium ponit in vita mystica. quo ita prius b sit, quod animale & infimum, dein quod spirituale, & perfectum est. Atque ita quoque dubium soluitur, an scilicet vita spiritualis à mortificatione, resignatione, humilitate, contemptu sui ipsius, & similibus virtutum exercitijs aulpicanda sit: eiusmodi enim virtutes, ipsius meditationis actus & fructus sunt.

Concedendum est nihilominus, quosdam subinde gratia ampliori præditos, citius, faciliusque, & quasi absque villa meditationis remora, aspirationis statum incipere, & ad contemplationis amorosæ contitutum transgredi in principio vitæ internæ. Conformiter autem ad communem praxin, postquam antiqua vita, & peccata præterita vnius, vel alterius c mensis spatio deplorata fuerint, ad meditationis exercitium se se transferet incipiens. Circa quam verò materiam meditatione fructuose magis versetur, constabit ex sequentibus,

*Meditationem Passionis Domini præcærteris esse utilissimam.*

#### ARTICVLVS TERTIVS.

**C**um inuisibilia d Dei, per ea quæ facta sunt, intellecta conspiciantur: quidam distinctioni creationis, eiusque

a Ps. 38. b 1. Cor. 15. c Theol. Myſt. apud S. Bon. in Prolog. d Rom. 1.

eiusque pulchritudini , aut virtutum amori, præstantiaque , penè totam vitam impendunt. quod quidem in pieioribus Scholasticis, diuinorum speculationibus summè deditis, quam maxime commendandum est. Nonnulli enim in mitiore consuetudine viuendi, absque rigida illa corporis maceratione, ad imitationem vitae , & passionis Saluatoris nostri Iesu Christi dilecta; similius consideratione se ipsos excitare possunt sufficienter ; illi vero quibus propositum est pro virili stigmata Domini nostri Iesu Christi , & crucis mortificationem, iugiter in suo corpore portare , ( talibus hostijs ad purum scoriam depravata naturæ excoquentes ) nequaquam eiusmodi speculacionibus occupari debent; sed absque ambage; seipso in corpore, anima , & spiritu ad integrum Domino holocaustum offerre habent, ac eum in finem, meditationem acerbissimæ passionis in prototypon, ac viuum Exemplar sibi anteponere; pro ut securissima doctrina, & ordine perlucido ad viuum deducit Bellintanus a noster , quo etiam Ordinis nostri Iuniores Fratres , ad utilissimam praxin imbuuntur. subinde tamen pro animi alleuiatione , & varietate, de virtutum pulchritudine, Beatorum gloria , aut huiusmodi quipiam meditantes.

Hæc autem ut evidentiora fiant, fructus aliquos meditationis Dominicæ Passionis apponimus. [ fuit enim quidam Dei amicus, qui quereret, quid-

nam b ei Dominus præstare veller, qui in suis crebro vulneribus commoraretur. ad quod Dominus benignè respondit. Quisquis necessitatibus meis miserationis effectum impendens, aliquoties per diem, & noctem passionis meæ meditationi insitit, nouem inde utilitates consequitur. Prima est, quod inde à peccatis omnibus mundatur, & quidquid neglexit, ex meis illi meritis restituitur. Secunda, quod ad resistendum securè hostibus suis ita confortatur, ut nullum ex ipso Triumphum referre queant. Tertia, quod ad bona quæque opera , diuersasq; virtutes peragendas, vires accipit. Quarta, quod quamlibet breuissima eam cogitatione reuoluat, semper anima illius in mea gratia renouatur. Quinta, quod deuotè eam commemoranti libenter ipsi commoror. Sexta , quod arcana mihī à Deo Patre manifestata, illi similiter pandam. Septima, quod ante mortem illius ad perfectionis eum perducam apicem, & defunctum cum charissimis amicis meis remunerabo. Octaua, quod nihil eorum, quæ serio, & rationabiliter petit, illi denegabo. Nona, quod in morte illi aduersus hostes eius assistam , & de vita æterna ipsum faciam certum , atque securum. ] Ut autem Utilissima hæc meditatio facilius peragi possit, de notabilius eius partibus ulterius agemus,

*Meditatio tres habet partes substantiales, videlicet, Preparationem, Meditationem, & Actionem.*

ARTI-

a in Pract. Orat. ment. b Taul. serm. de prepar. ad felicem mortem in fine.

## ARTICVLVS QVARTVS.

**P**RIMA pars dicitur Præparatio, & hæc fit lectione alicuius mysterij, aut piæ materiæ, vel etiam actuali renovatione memoriæ eorum, quæ alias legit, vel audiuit, eo fine, ut proximè hoc ipsum consideret, circumstantias, proprietates, & similia examinet; quo ita intellectus lumen aliquod, siue notitiam acquirat, in ordine ad voluntatem rectè mouendam. Est autem Præparatio duplex, scilicet proxima, quæ vti iam dictum peragit, & remota, qua nimis spiritualis Athleta timorato conamine, se ipsum in omnibus suis operibus veretur, ingenti cura, & sollicitudine, mortificationisq; exercitio, sensus suos, & præcordia contutatur, ne ab exteriorum tumultuosa multiplicitate, ad cedula, mundanaue abripiatur; quæ præparatio magis certè, quam proxima illa est necessaria; quales enim in oratione, & meditatione esse volumus, tales nos esse extra orationem oportet. Præparatio ergo est accumulatio rei distribuenda, & per singula meditanda.

Secunda pars est ipsa Meditatio, quæ fit per auditionem, Lectionem, vel propriam conceptionem, dum indagatione, attenta cogitatione, & intimiori semper notitia, propositam materiam minuit, & quasi masticat; ut virtutes, mortifications, & Dei gustum extrahat; affectuque seu voluntati conservandui dein tradat; idque triplici modo, & differentia, ut habetur a infra.

Tertia pars est, quando intellectus tot

rationibus & beneficijs commotus, tot, tamque stupenda perstringens, ipsam voluntatem aggreditur, inducitque ad actus imitationis, mortificationis, & virtutis; producere insuper facit tanquam particulares operationes ipsius actionis, affectus oblationis, petitionis, gratiarum actionis, & huiusmodi plura, secundum dispositionem internam, & conditionem temporis, ac materiæ, similiumque accidentium, quæ apud incipientes facilè mutationem, ad amorem, vel aridum successum operantur. Ipsam autem meditationem, quæ secundum has tres partes substantiales peragit, etiam diuersimodè practicari, consequenter dicendum est,

*Meditatio tribus potissimum peragitur modis.*

## ARTICVLVS QVINTVS.

**Q**VAMVIS infinitæ propemodum instruções, modi, & meditandi formulæ assignari soleant; multifariè tamen magis in ipsa praxi, quot sunt meditantium capita, tot quasi & procedendi sunt actiones; quæ nihilominus triplici potissimum differentia peraguntur. Primo, crassa, & imaginaria inhæsione, tanquam V.G. presens quis intueretur anxietatem Christi Domini in horro, præ agone nimio sanguineas sudantem guttas, audiretque Iudæ, & cohortis tumultuantes iras, accessus vincula, catenarum strepitus, & plura similia, quibus voluntas commoueri potest

D

ad

a Hic a.s.

ad compassionem. Secundo, rationali consideratione, quæ proponit causam mouentem, quæ est immensus amor, & finem, qui est Beatitudo æterna. quo ita eorum, quæ gesta sunt, veritate cognita, ad inflammandam voluntatem deinde procedat meditans. Tertio, affectuola notitia, quando videlicet in meditatione breui, & quasi nuda apprehensione eorum quæ sibi proposita habet, mox præ bonitate diuina, & gratia sibi, humanoq; generi facta, in lachrymas, compassionem, amorem, gratiarum actionem. Deique laudem prorumpit. Et hi tres modi, quandoque ab eodem meditante, vna meditationis hora, successiue peraguntur: In praxi enim ordine promiscuo sibi inuicem coherent, quamuis meditans hoc ipsum sapè non aduertat. Cum autem humana mens ad euagationem prona sit, oportet illam varijs considerationibus alligare, & ideo consequenter dicuntur,

*Quod In Meditatione circumstantiae  
necessariò sint considerande.*

#### ARTICVLVS SEXTVS.

**T**ria præstat circumstantiarum diligens meditationi. Primo, ut inconstans, & vaga mens, cogitatioque animi attentione, & ratiocinatione debilem, non tam facilè perturbet, distrahatque. Secundo, ut cæcutiens Intellexus lumen clarius rei gestæ assequatur, & spiritus tædia non incurrat. Tertio,

ut voluntas ad virtutis, mortificationisque exercitium, validius commoueatur ab intellectu. Solent autem tales circumstantiae, ut plurimum vsu venire, nimirum. Quis sit qui hæc vel illa patiatur, peragat, vel mandet; scilicet Deus, vel Deus, & homo. Quid, id est, quam crudelia, pœnosa; Vbi, in loco sancto, videlicet in Ciuitate Hierusalem, cui multam dignitatem, & beneficia contulerat: Quibus auxilijs, scilicet ingratii Apostoli, deficientis in proditorem; & Iudeorum, quibus corporis, & animæ plurimas gratias præstiterat. Cur, ut nimirum tuam animam ab inferno eriperet, cæloque reddebet. Quomodo, id est, quanta humilitate, mansuetudine, patientia, omnia sustinuerit. Quando, nimirum [non ab initio, a aut fine mundi, sed quando salus hominum id maximè requirebat.]

Et quia de his, & similibus circumstantijs, meditationumq; modis, quam plurima, tum fusa, tum compendiosa oratione scripta leguntur, affumat, & comedat de his quilibet tantum, quantum proprius palatus de prudentis mystici consilio, appetit: in meditationis enim statu penè apud singulos aliter, atque aliter se res habet, & pro accidentium; naturarumque ordine, instruclio, & praxis variat. Pro illis vero, qui in benedictionibus dulcedinis à Deo præuenti, dispositionem ad modum supernaturaliter operandi, vel à longè per odorem Diuinitatis vocantur, consequenter dicimus,

*Quod*

a S. Thom 3. p. q. 1. a. 5. 6.

Quod Maxima Circumstantiarum sit  
Meditatio Diuinitatis, quæ subin-  
de transit in contempla-  
tionis actum.

## ARTICVLVS SEPTIMVS.

**S**Ic uti meditantium quidam vtiliter, & suo statui conformiter, tota vita pijs meditationibus occupati, non singulariter Diuinitatis sublimitates indagant, at simplici, humilique corde, eo modo, quo aut legunt, aut audiunt, interioritati propriæ satisfaciunt; ita profecto illi, qui ad vteriora mystica transire habent, omnes meditationes aliqua ad Diuinitatem transgressione, communiunt, & paulatim in eiusdem perceptione, notabile spatum meditationis vtiliter expendunt: cum enim in uno composito, Christus Dominus sit Deus, & Homo, optimè vtriusque consideratione anima deuota proficit.

Porro, sicut [ cogitatio a transit in meditationem, quum studiosè insistit, vt aliquid attentè consideret; ita transit in contemplationem b quando tenebrositate sensualis cogitationis non permiscetur, accidentia deserit, quidditatis studium, vehementius intelligentiæ lumine depurat. ] & ideo [ ibi non oportet cogitare de creaturis, nec de Angelis, nec de Trinitate: quia hæc sapientia non per meditationem præuiam, sed per affectus desiderium habet

aspirando consurgere. & [ quemadmodum oportet nos d'mori nobis ipsis, si in Deo vivere debemus, ita oportet etiam paulatim addiscere in Deo vivere, & requiescere per practicum effluxum amoris Dei; qui nos Deo vniat. ] & haec vt facilius tempore orationis mentalis peragi possint, consequenter dicimus,

*Præsentiam Dei foueri aspirationibus,  
& alijs pijs exercitijs.*

## ARTICVLVS OCTAVVS.

**V**T ergò facilius, attentiusue diuinis considérationibus, tempore meditationis vacare liceat, oportet per diem in omnibus actionibus, paulatim se se ad aspirationis statum præparare, & frequenter, vel ex scriptura sacra, vel ex lectione pia, aliquas sententias, seu orationes iaculatorias assumere, quas iteratis vicibus, & affectibus cum fine interno gusto se compererit, in se ipso quasi eloquatur, & animitus proferat, iuxta illud Psalmist. Concipiuit e anima mea desiderare iustificationes tuas in omni tempore. & alibi, Prouidebam f Dominum in conspectu meo semper, quoniam à dextris est mihi, ne commoueat.

Tanti porro refert, præsentiam Dei aspirationibus, & mentis eleuationibus continuò fouere, vt vel maximè ideo omnia alia mortificationis, & virtutis exercitia ( quæ tantopere in-

D 2

culca-

a Gerson. Theol. myst. spec. Conf 23. b Conf. 24. c Theol. myst. apud S. Bonavent. q. Vnic.  
d Harph. l. 2. p. 2. c. 13. e Psal. 118. f Psal. 15.

culcamus *a*) præscribi soleant, non quidem tanquam finis perfectionis internæ, sed duntaxat ut medium, sine quo non, ad contemplationis quietem, instabilis, & vagabundus animus pertingere potest. Vnde etiam sicut aqua turbata, aut inquieta, imaginem non recipit; sic neque spiritus vagus, & profugus super terram, varijsq; concupiscentijs allectus, & mortificationis, ac Virtutis labore nondum confractus. Et hinc iure merito tam ad aspirationis, quam [contemplationis perfectionem requiritur quies à perturbationibus *b* passionum, ad quam peruenitur per virtutes morales, & per prudentiam.] Ut autem quæ fusiùs dicta sunt de statu meditationis, compendiosa praxi complectamur, apponitur hic consequenter,

*Synopsis status Meditationis.*

ARTICVLVS NONVS.

**M**editatio c cordis mei in conspectu tuo semper. ac si diceret. ô pia anima, quæ opitulante diuina gratia, vitæ mysticæ initia subire statuisti, & per sacras meditationes, vnum ex altero colligis, vt ignorantiam cæcutientis intellectus corrigas, quo ita voluntatem (ad omne opus bonum languidam) piè commouere possis: noli hoc ipsum tepida negligentia aliquando facere, aliquando autem omittere; sed prorsus virili animo tam diuino munieri, totam vitam tuam sanctifica, de-

uoue, & consecra; ideo enim dicitur, meditatio cordis mei in conspectu tuo semper, id est, tota vita.

Non tamen ad instar Ethnicorum, aut Hæreticorum more, vel etiam spiritualem honorem ambientium, qui speculationibus rerum diuinarum ad oblationem intellectus, & iactantiam duntaxat, se se dedicare solent; & ideo dicit, meditatio cordis mei, ut videlicet sicut ex naturali corruptione de corde *d* exeunt cogitationes malæ, adulteria, fornicationes, homicidia, furta, avaritiæ, nequitia, dolus, impudicitia, oculus malus, blasphemia, superbia, stultitia, ita prorsus ex meditatione talem haurias utilitatem, vt dein ex eodem corde procedant, ut fructus spiritus, cogitationes bonæ, ac charitas, *e* gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.

Ad has porrò virtutes, nulla meditatione tantum proderit, quam accurata & perspicua illa sacratissimæ vitæ, & passionis Salvatoris Domini nostri Iesu Christi, in qua non tantum humanæ, sed & diuinæ virtutes, animæque oblationes habentur, vt ideo etiam subinde, ab humana ad diuinam præstantiam considerandam transire liceat. Vnde quoq; dicit, & meditatio cordis mei in conspectu tuo, scil. diuino; quatenus non semper hæreas, in considerandis mysterijs humanitatis, sed etiam diuinitatis, cum Saluator noster simul in

codem

*a* Inf. dec. 5. n. 1. & 2. *b* S. Thom. cont. Gent. l. 3. c. 37. *c* Ps. 48. *d* Marc. c. 7. *e* Gal. 5.

codem composito fuerit, sitque Deus, & homo. Quæ ut faciliora euadant, diligenter obseruentur tres partes substantiales, scilicet præparatio, meditatio, & actio; idque vel imaginatione, ac si præsens omnia intuereris audiresque; vel ratiocinatione, tecum cogitando causam, id est, amorem, & fidem, id est, salutem humani generis, & tuam in particulari: vel affectu, dum ipso instanti cogitationis sacrorum mysteriorum, in compassionem, amorem, gratitudinem, & similia resolueris, prout ex aliquo approbato, & praxis mysticæ prudente viro audieris, legerisvè in tali libro, quem tibi magis utilem didiceris in praxi.

Vt autem meditatio firma sit, & non facilè subiecta distractionibus, vtque intellectus clarius lumen percipiat, & voluntas penitus moueat, diligens habeatur ratio circumstantiarum, quæ copiosè à meditationis scriptoribus solent explicari. Sit etiam meditatio, non sensibilis deuotio, ne propriæ consolatiōni affixa, amorem sensibilem extorquere labores, & fortè ex propria culpa corporis debilitatem, & capitis dolores incurras. quandoquidem sensibilis illa deuotio principaliter, ad demulcendam naturæ corruptæ insaniam, & inclinationem ad mundanas cupiditates alleuiandam, pijs animabus concedatur. Et certè si meditatio cordis tui fuerit in conspectu Dei temper, omnes illusiones, visiones, ecstases & nimias suavitates (nonnullis periculis expositas) euades facillimè. In corde enim

tuo cognosces, te similia non debere appetere, ad perfectionem, & mortificationis depurationem necessaria etiam non esse, ipsis alijs taliter illusis, tandem in corde suo intelligentibus, quo mouente, quo authore, & quam modico virtutis progressu, ac mortificationis ardore, dies suos vanè, ne dicam malitiosè consumplerint. & ideo esto affluent sensibilis deuotionis diuitia, noli cor tuum apponere, vt meditatio cordis tui sit in conspectu Dei semper, nec ab illo oculum auertas, vt illius patuulo gustu sensualitati tuæ satisfaciat; imò modicum talem deuotionem estimare debes, & tantum de ea assumerē, quantum ad recollectionem, virtutis, & mortificationis studium, noueris esse necessarium: alioqui Deo mitente aliquam ariditatem, se sequē abscondente, ex contraria sensualitate, supra modum inuenies te desolatam, & tristem.

Sit etiam meditatio cordis tui, id est, non sensualitatis, sed magis fidelitatis & constantiæ; cor enim dat animum virilem, vt infra dicto pectore, quæque sui munera subire valeat. quando ergo meditatio non poterit fieri pacifica quiete, noli putare, te aliud non posse praestare, quin imò ad cordis tui virtutem, meditationem tuam recipias, & ubi vis concupiscibilis, & blandientis amoris deficit, ibi vim irascibilem commove, te ipsam contemne, contra proprios defectus indignare, acrius virtutis & mortificationis studium proponere, indignam te ipsam habeas, quæ ali-

qua quiete interna fruaris, quæ Dei amore, & gustu afficiaris: Ac demum quamcunque ariditatem, modestiam, afflictionemque compereris, illam insigni constantia arripias, passionem, crucem, & mortem Saluatoris pro modo imitatura.

At ne in incertum curras, aut pugnes, quasi aërem verberans, noli propositum virtutis, mortificationis, & emendationis generali modo instituere, ac dicere, in omnibus me offerro ad quælibet toleranda, in omnibus imperfectionibus me emendabo: nam oportet, ut meditatio cordis tui sit, non aliquius indifferentis cogitationis: de corde enim particularia exeunt, scilicet inclinatio ad hoc, vel illud videndum, audiendum, dicendum, appetendum; & ideo in particulari quoque firmiter statuere habes hodie, vel usque ad proximum tempus orationis, verbi gratia, tertio in oculis, auribus, cogitationibus, &c. mortificabo meipsum, sincero desuper examine in instituto sequenti oratione, dum iterum ad propositum ventum fuerit, an prius promissa præstata sint, nec ne, dura tui ipsius increpatio ne adhibita, si quidquam omisum deprehenderis; illicò de novo iterum ex corde statuens particulares defectus emendare, ne illorum absurditate, iure merito ab interna pulchritudine reijciaris.

Quod si meditatio cordis tui taliter fuerit constituta, spirituali profectui, virtutis, & mortificationis puritati, pro

modulo tuo satisfacies. nec contristaberis diutiū, quam coætanei, aut forte tota vita, in meditatione cordis tui in melius procedas: sic enim utiliter meditando eris quoque in conspectu Dei semper, nec te affliget, immo gaudebis amplius, si & tu cum illis, qui in perfectioribus statibus Deo coniunguntur, adstiteris duntaxat. ideo etiam non leuiter, & sine prudentis mystici consilio, ad perfectiores status transibis; sed sit semper meditatio cordis tui in conspectu Dei, si ipsi ita visum fuerit, hoc modo paulatim, & mitiori modo, tenebras intellectuales, & voluntatis cupiditates conuersura in delectationem spiritualis vitæ, virtutis præstantiam, & Dei amorem. Ut autem mystico constet, quantum in spirituali vita proficerit, consequenter dicimus

*De spirituali profectu, duratione, & transitu à meditationis ad aspiracionis statum.*

#### ARTICVLVS DECIMVS.

**S**icut meditationis fidelis exercitatio, id tandem præstat, ut non solum inuisibilia a Dei, per ea quæ facta sunt, intellecta conspiciantur, utque in omnibus Dei operibus liceat aliquam bonam haurire cogitationem; sed etiam, ut interior spiritus ignorantia pendentium corrigatur, substituto lumine rerum diuinarum, cuius pulchritudine facile etiam voluntas ad virtutem, & Dei amorem excitetur. quo in genere acci-

*a Rom. 2.*

accidit in interiori statu animæ, velut si quis ingentem, eamque per obscuram fabricam deiceret, eo fine, ut in loco vacuo lumen, & calorem solis consequeretur.

Et talis in anima felix mutatio, non ita facilè, aut modico tempore perficitur; sed apud nonnullos tota vita perseverat; apud alios pluribus annis; pauciores tamen, postquam aliquot mensibus, aut medio circiter anno meditari fuerint, ad vteriora citius se præparantes, ex gratia, & diligentia, explicitum meditandi modum deserunt, & aspirationis facilitatem sequuntur: ita tamen, ut ad cautelam, & ne diuagari contingat, si aridiores forent, ad aliquam meditationis propositam materiam, con fugere possint. Qui autem tota, aut penè tota vita, fructuosè explicita meditatione occupantur, frequenter magno spiritus solamine orationes iaculatorias, & aspirationes commiscent; in

praxi enim impossibile est aliter continere, cum aspirationes scintillæ sint amoris excussi à meditatione.

At cum certò didicerit meditans, se aspirationum vsu facilius Deo coniungi, & resoluto magis animo mortificationis, & virtutis molestiam subire, securus ad status aspirationis, modos, & regulas transeat; siue multum, siue parum temporis in meditationis explicito studio impenderit; præsertim cum experientia didicerit, quibusunque meditandi modis, nihil sibi amplius accedere profectus, & ob internam molestiam, quasi meditandi impossibilitatem; in aspirationis autem vsu bene omnia peragendi facilitatem experiri. Atque hisce de statu meditationis positis, necessario hoc loco ad securam utilitatem praxis, quædam interponenda sunt, quæ ad omnes status primæ huius partis referuntur.

*a De his Conform.  
habet Ioan. à Cruce asc. mont. l. 2. c. 13.*

## DE SPECTANTIBVS AD STATVS PRIMÆ PARTIS IN COMMVN.

**N**E aut Scholastici ingenium, aut Practici tedium, iusta com motione stomachari videantur, quod crambe recocta, iteratisq; vicibus inuoluantur, quæ separati, & ordinatè dicenda forent; hinc documenta quædam, ceu generales regulas statibus primæ Partis, scilicet Meditationis, Aspirationis, & Contemplationis, tam negatiui, quam affirmatiui modi, necessarias; post aliquam

lem